

大般若波羅蜜多經卷第二百五十 閏十

唐三藏法師玄奘奉詔譯

初分難信解品第三十四之六十九

善現一切智智清淨故舌界清淨舌界清淨
故大空清淨何以故若一切智智清淨若舌
界清淨若大空清淨無二無二分無別無斷
故一切智智清淨故味界及舌觸舌
觸為緣所生諸受清淨味界乃至舌觸為緣
所生諸受清淨故大空清淨何以故若一切
智智清淨若味界乃至舌觸為緣所生諸受
清淨若大空清淨無二無二分無別無斷故
善現一切智智清淨故身界清淨身界清淨
故大空清淨何以故若一切智智清淨若身
界清淨若大空清淨無二無二分無別無斷
故一切智智清淨故觸界身識界及身觸身

觸為緣所生諸受清淨觸界乃至身觸為緣
所生諸受清淨故大空清淨何以故若一切
智智清淨若觸界乃至身觸為緣所生諸受
清淨若大空清淨無二無二分無別無斷故
善現一切智智清淨故意界清淨意界清淨
故大空清淨何以故若一切智智清淨若地
界清淨若大空清淨無二無二分無別無斷

故一切智智清淨故水火風空識界清淨水
 火風空識界清淨故大空清淨何以故若一
 切智智清淨若水火風空識界清淨若大空
 清淨無二無二分無別無斷故善現一切智
 智清淨故無明清淨無明清淨故大空清淨
 何以故若一切智智清淨若無明清淨若大
 空清淨無二無二分無別無斷故一切智智
 清淨故行識名色六處觸受愛取有生老死
 愁歎苦憂惱清淨行乃至老死愁歎苦憂惱
 清淨故大空清淨何以故若一切智智清淨
 若行乃至老死愁歎苦憂惱清淨若大空清
 淨無二無二分無別無斷故善現一切智智
 清淨故布施波羅蜜多清淨布施波羅蜜多
 清淨故大空清淨何以故若一切智智清淨
 若布施波羅蜜多清淨若大空清淨無二無

二分無別無斷故一切智智清淨故淨戒安
 忍精進靜慮般若波羅蜜多清淨淨戒乃至
 般若波羅蜜多清淨故大空清淨何以故若
 一切智智清淨若淨戒乃至般若波羅蜜多
 清淨若大空清淨無二無二分無別無斷故
 善現一切智智清淨故內空清淨內空清淨
 故大空清淨何以故若一切智智清淨若內
 空清淨若大空清淨無二無二分無別無斷
 故一切智智清淨故外空內外空空勝義
 空有為空無為空畢竟空無際空散空無變
 異空本性空自相空共相空一切法空不可
 得空無性空自性空無性自性空清淨外空
 乃至無性自性空清淨故大空清淨何以故
 若一切智智清淨若外空乃至無性自性空
 清淨若大空清淨無二無二分無別無斷故

善現一切智智清淨故真如清淨真如清淨
故大空清淨何以故若一切智智清淨若真
如清淨若大空清淨無二分無別無斷
故一切智智清淨故法界法性不虛妄性不
變異性平等性離生性法定法住實際虛空
界不思議界清淨法界乃至不思議界清淨
故大空清淨何以故若一切智智清淨若法
界乃至不思議界清淨若大空清淨無二分
無別無斷故善現一切智智清淨故若
聖諦清淨若聖諦清淨故大空清淨何以故
若一切智智清淨若聖諦清淨若大空清
淨無二分無別無斷故一切智智清淨
故集滅道聖諦清淨集滅道聖諦清淨故大
空清淨何以故若一切智智清淨若集滅道
聖諦清淨若大空清淨無二分無別無

斷故善現一切智智清淨故四靜慮清淨四
靜慮清淨故大空清淨何以故若一切智智
清淨若四靜慮清淨若大空清淨無二分無
分無別無斷故一切智智清淨故四無量四
無色定清淨四無量四無色定清淨故大空
清淨何以故若一切智智清淨若四無量四
無色定清淨若大空清淨無二分無別
無斷故善現一切智智清淨故八解脫清淨
八解脫清淨故大空清淨何以故若一切智
智清淨若八解脫清淨若大空清淨無二分
一分無別無斷故一切智智清淨故八勝處
九次第定十遍處清淨八勝處九次第定十
遍處清淨故大空清淨何以故若一切智智
清淨若八勝處九次第定十遍處清淨若大
空清淨無二分無別無斷故善現一切

智智清淨故四念住清淨四念住清淨故大
空清淨何以故若一切智智清淨若四念住
清淨若大空清淨無二無二分無別無斷故
一切智智清淨故四正斷四神足五根五力
七等覺支八聖道支清淨四正斷乃至八聖
道支清淨故大空清淨何以故若一切智智
清淨若四正斷乃至八聖道支清淨若大空
清淨無二無二分無別無斷故善現一切智
智清淨故空解脫門清淨空解脫門清淨故
大空清淨何以故若一切智智清淨若空解
脫門清淨若大空清淨無二無二分無別無
斷故一切智智清淨故無相無願解脫門清
淨無相無願解脫門清淨故大空清淨何以
故若一切智智清淨若無相無願解脫門清
淨若大空清淨無二無二分無別無斷故善

現一切智智清淨故菩薩十地清淨菩薩十
地清淨故大空清淨何以故若一切智智清
淨若菩薩十地清淨若大空清淨無二無二
分無別無斷故善現一切智智清淨故五眼
清淨五眼清淨故大空清淨何以故若一切
智智清淨若五眼清淨若大空清淨無二無
二分無別無斷故一切智智清淨故六神通
清淨六神通清淨故大空清淨何以故若一
切智智清淨若六神通清淨若大空清淨無
二無二分無別無斷故善現一切智智清淨
故佛十力清淨佛十力清淨故大空清淨何
以故若一切智智清淨若佛十力清淨若大
空清淨無二無二分無別無斷故一切智智
清淨故四無所畏四無礙解大悲大喜
大捨十八佛不共法清淨四無所畏乃至十

八佛不共法清淨故大空清淨何以故若一切智智清淨若四無所畏乃至十八佛不共法清淨若大空清淨無二無二分無別無斷故善現一切智智清淨故無忘失法清淨無忘失法清淨故大空清淨何以故若一切智智清淨若無忘失法清淨若大空清淨無二無二分無別無斷故一切智智清淨故恒住捨性清淨恒住捨性清淨故大空清淨何以故若一切智智清淨若恒住捨性清淨若大空清淨無二無二分無別無斷故善現一切智智清淨故一切智清淨一切智清淨故大空清淨何以故若一切智智清淨若一切智清淨若大空清淨無二無二分無別無斷故一切智智清淨故道相智一切相智清淨道相智一切相智清淨故大空清淨何以故若

一切智智清淨若道相智一切相智清淨若大空清淨無二無二分無別無斷故善現一切智智清淨故一切陀羅尼門清淨一切陀羅尼門清淨故大空清淨何以故若一切智智清淨若一切陀羅尼門清淨若大空清淨無二無二分無別無斷故一切陀羅尼門清淨故大空清淨何以故若一切智智清淨故一切三摩地門清淨一切三摩地門清淨故大空清淨何以故若一切智智清淨若一切三摩地門清淨若大空清淨無二無二分無別無斷故善現一切智智清淨故預流果清淨預流果清淨故大空清淨何以故若一切智智清淨若預流果清淨若大空清淨無二無二分無別無斷故一切智智清淨故一來不還阿羅漢果清淨一來不還阿羅漢果清淨故大空清淨何以故若一切智智清淨若

一來不還阿羅漢果清淨若大空清淨無二
無二分無別無斷故善現一切智智清淨故
獨覺菩提清淨獨覺菩提清淨故大空清淨
何以故若一切智智清淨若獨覺菩提清淨
若大空清淨無二無二分無別無斷故善現
一切智智清淨故一切菩薩摩訶薩行清淨
一切菩薩摩訶薩行清淨故大空清淨何以
故若一切智智清淨若一切菩薩摩訶薩行
清淨若大空清淨無二無二分無別無斷故
善現一切智智清淨故諸佛無上正等菩提
清淨諸佛無上正等菩提清淨故大空清淨
何以故若一切智智清淨若諸佛無上正等
菩提清淨若大空清淨無二無二分無別無
斷故復次善現一切智智清淨故色清淨色
清淨故勝義空清淨何以故若一切智智清

淨若色清淨若勝義空清淨無二無二分無
別無斷故一切智智清淨故受想行識清淨
受想行識清淨故勝義空清淨何以故若一
切智智清淨若受想行識清淨若勝義空清
淨無二無二分無別無斷故善現一切智智
清淨故眼處清淨眼處清淨故勝義空清淨
何以故若一切智智清淨若眼處清淨若勝
義空清淨無二無二分無別無斷故一切智
智清淨故耳鼻舌身意處清淨耳鼻舌身意
處清淨故勝義空清淨何以故若一切智智
清淨若耳鼻舌身意處清淨若勝義空清淨
無二無二分無別無斷故善現一切智智清
淨故色處清淨色處清淨故勝義空清淨何
以故若一切智智清淨若色處清淨若勝義
空清淨無二無二分無別無斷故一切智智

清淨故聲香味觸法處清淨聲香味觸法處
清淨故勝義空清淨何以故若一切智智清
淨若聲香味觸法處清淨若勝義空清淨無
二無二分無別無斷故善現一切智智清淨
故眼界清淨眼界清淨故勝義空清淨何以
故若一切智智清淨若眼界清淨若勝義空
清淨無二無二分無別無斷故一切智智清
淨故色界眼識界及眼觸眼觸為緣所生諸
受清淨色界乃至眼觸為緣所生諸受清淨
故勝義空清淨何以故若一切智智清淨若
色界乃至眼觸為緣所生諸受清淨若勝義
空清淨無二無二分無別無斷故善現一切
智智清淨故耳界清淨耳界清淨故勝義空
清淨何以故若一切智智清淨若耳界清淨
若勝義空清淨無二無二分無別無斷故一

四十

切智智清淨故聲界耳識界及耳觸耳觸為
緣所生諸受清淨聲界乃至耳觸為緣所生
諸受清淨故勝義空清淨何以故若一切智
智清淨若聲界乃至耳觸為緣所生諸受清
淨若勝義空清淨無二無二分無別無斷故
善現一切智智清淨故鼻界清淨鼻界清淨
故勝義空清淨何以故若一切智智清淨若
鼻界清淨若勝義空清淨無二無二分無別
無斷故一切智智清淨故香界鼻識界及鼻
觸鼻觸為緣所生諸受清淨香界乃至鼻觸
為緣所生諸受清淨故勝義空清淨何以故
若一切智智清淨若香界乃至鼻觸為緣所
生諸受清淨若勝義空清淨無二無二分無
別無斷故善現一切智智清淨故舌界清淨
舌界清淨故勝義空清淨何以故若一切智

四十

九

智清淨若舌界清淨若勝義空清淨無二無二分無別無斷故一切智智清淨故味界舌識界及舌觸舌觸為緣所生諸受清淨味界乃至舌觸為緣所生諸受清淨故勝義空清淨何以故若一切智智清淨若味界乃至舌觸為緣所生諸受清淨若勝義空清淨無二無二分無別無斷故善現一切智智清淨故身界清淨身界清淨故勝義空清淨何以故若一切智智清淨若身界清淨若勝義空清淨無二無二分無別無斷故一切智智清淨故觸界身識界及身觸身觸為緣所生諸受清淨觸界乃至身觸為緣所生諸受清淨故勝義空清淨何以故若一切智智清淨若觸界乃至身觸為緣所生諸受清淨若勝義空清淨無二無二分無別無斷故善現一切智

智清淨故意界清淨意界清淨故勝義空清淨何以故若一切智智清淨若意界清淨若勝義空清淨無二無二分無別無斷故一切智智清淨故法界意識界及意觸意觸為緣所生諸受清淨法界乃至意觸為緣所生諸受清淨故勝義空清淨何以故若一切智智清淨若法界乃至意觸為緣所生諸受清淨若勝義空清淨無二無二分無別無斷故善現一切智智清淨故地界清淨地界清淨故勝義空清淨何以故若一切智智清淨若地界清淨若勝義空清淨無二無二分無別無斷故善現一切智智清淨故水火風空識界清淨水火風空識界清淨何以故若一切智智清淨若水火風空識界清淨若勝義空清淨無二無二分無別無斷故善現

一切智智清淨故無明清淨無明清淨故勝
義空清淨何以故若一切智智清淨若無明
清淨若勝義空清淨無二無二分無別無斷
故一切智智清淨故行識名色六處觸受愛
取有生老死愁歎苦憂惱清淨行乃至老死
愁歎苦憂惱清淨故勝義空清淨何以故若
一切智智清淨若行乃至老死愁歎苦憂惱
清淨若勝義空清淨無二無二分無別無斷
故善現一切智智清淨故布施波羅蜜多清
淨布施波羅蜜多清淨故勝義空清淨何以
故若一切智智清淨若布施波羅蜜多清淨
若勝義空清淨無二無二分無別無斷故一
切智智清淨故淨戒安忍精進靜慮般若波
羅蜜多清淨淨戒乃至般若波羅蜜多清淨
故勝義空清淨何以故若一切智智清淨若

淨戒乃至般若波羅蜜多清淨若勝義空清
淨無二無二分無別無斷故善現一切智智
清淨故內空清淨內空清淨故勝義空清淨
何以故若一切智智清淨若內空清淨若勝
義空清淨無二無二分無別無斷故一切智
智清淨故外空內外空空大空有爲空無
爲空畢竟空無際空散空無變異空本性空
自相空共相空一切法空不可得空無性空
自性空無性自性空清淨外空乃至無性自
性空清淨故勝義空清淨何以故若一切智
智清淨若外空乃至無性自性空清淨若勝
義空清淨無二無二分無別無斷故善現一
切智智清淨故眞如清淨眞如清淨故勝義
空清淨何以故若一切智智清淨若眞如清
淨若勝義空清淨無二無二分無別無斷故

一切智智清淨故法界法性不虛妄性不變異性平等性離生性法定法住實際虛空界不思議界清淨法界乃至不思議界清淨故勝義空清淨何以故若一切智智清淨若法界乃至不思議界清淨若勝義空清淨無二

無二分無別無斷故善現一切智智清淨故苦聖諦清淨若聖諦清淨故勝義空清淨何以故若一切智智清淨若苦聖諦清淨若勝義空清淨無二無二分無別無斷故一切智智清淨故集滅道聖諦清淨集滅道聖諦清淨故勝義空清淨何以故若一切智智清淨若集滅道聖諦清淨若勝義空清淨無二無二分無別無斷故善現一切智智清淨故四靜慮清淨四靜慮清淨故勝義空清淨何以故若一切智智清淨若四靜慮清淨若勝義

空清淨無二無二分無別無斷故一切智智清淨故四無量四無色定清淨四無量四無色定清淨故勝義空清淨何以故若一切智智清淨若四無量四無色定清淨若勝義空清淨無二無二分無別無斷故善現一切智智清淨故四念住清淨四念住清淨故勝義空清淨何以故若一切智智清淨若四念住清淨若

勝義空清淨無二無二分無別無斷故一切
智智清淨故四正斷四神足五根五力七等
覺支八聖道支清淨四正斷乃至八聖道支
清淨故勝義空清淨何以故若一切智智清
淨若四正斷乃至八聖道支清淨若勝義空
清淨無二無二分無別無斷故善現一切智
智清淨故空解脫門清淨空解脫門清淨故
勝義空清淨何以故若一切智智清淨若空
解脫門清淨若勝義空清淨無二無二分無
別無斷故一切智智清淨故無相無願解脫
門清淨無相無願解脫門清淨故勝義空清
淨何以故若一切智智清淨若無相無願解
脫門清淨若勝義空清淨無二無二分無別
無斷故善現一切智智清淨故菩薩十地清
淨菩薩十地清淨故勝義空清淨何以故若

一切智智清淨若菩薩十地清淨若勝義空
清淨無二無二分無別無斷故善現一切智
智清淨故五眼清淨五眼清淨故勝義空清
淨何以故若一切智智清淨若五眼清淨若
勝義空清淨無二無二分無別無斷故一切
智智清淨故六神通清淨六神通清淨故勝
義空清淨何以故若一切智智清淨若六神
通清淨若勝義空清淨無二無二分無別無
斷故善現一切智智清淨故佛十力清淨佛
十力清淨故勝義空清淨何以故若一切智
智清淨若佛十力清淨若勝義空清淨無二
無二分無別無斷故一切智智清淨故四無
所畏四無礙解大慈大悲大喜大捨十八佛
不共法清淨四無所畏乃至十八佛不共法
清淨故勝義空清淨何以故若一切智智清

淨若四無所畏乃至十八佛不共法清淨若
 勝義空清淨無二無二分無別無斷故善現
 一切智智清淨故無忘失法清淨無忘失法
 清淨故勝義空清淨何以故若一切智智清
 淨若無忘失法清淨若勝義空清淨無二無
 二分無別無斷故一切智智清淨故恒住捨
 性清淨恒住捨性清淨故勝義空清淨何以
 故若一切智智清淨若恒住捨性清淨若勝
 義空清淨無二無二分無別無斷故善現一
 切智智清淨故一切智清淨一切智清淨故
 勝義空清淨何以故若一切智智清淨若一
 切智清淨若勝義空清淨無二無二分無別
 無斷故一切智智清淨故道相智一切相智
 清淨道相智一切相智清淨故勝義空清淨
 何以故若一切智智清淨若道相智一切相

智清淨若勝義空清淨無二無二分無別無
 斷故善現一切智智清淨故一切陀羅尼門
 清淨一切陀羅尼門清淨故勝義空清淨何
 以故若一切智智清淨若一切陀羅尼門清
 淨若勝義空清淨無二無二分無別無斷故
 一切智智清淨故一切三摩地門清淨一切
 三摩地門清淨故勝義空清淨何以故若一
 切智智清淨若一切三摩地門清淨若勝義
 空清淨無二無二分無別無斷故善現一切
 智智清淨故預流果清淨預流果清淨故勝
 義空清淨何以故若一切智智清淨若預流
 果清淨若勝義空清淨無二無二分無別無
 斷故一切智智清淨故一來不還阿羅漢果
 清淨一來不還阿羅漢果清淨故勝義空清
 淨何以故若一切智智清淨若一來不還阿

羅漢果清淨若勝義空清淨無二無二分無別無斷故善現一切智智清淨故獨覺菩提清淨獨覺菩提清淨故勝義空清淨何以故若一切智智清淨若獨覺菩提清淨若勝義空清淨無二無二分無別無斷故善現一切智智清淨故一切菩薩摩訶薩行清淨一切菩薩摩訶薩行清淨故勝義空清淨何以故若一切智智清淨若一切菩薩摩訶薩行清淨若勝義空清淨無二無二分無別無斷故善現一切智智清淨故諸佛無上正等菩提清淨諸佛無上正等菩提清淨故勝義空清淨何以故若一切智智清淨若諸佛無上正等菩提清淨若勝義空清淨無二無二分無別無斷故復次善現一切智智清淨故色清淨色清淨故有為空清淨何以故若一切智

智清淨若色清淨若有為空清淨無二無二分無別無斷故一切智智清淨故受想行識清淨受想行識清淨故有為空清淨何以故若一切智智清淨若受想行識清淨若有為空清淨無二無二分無別無斷故善現一切智智清淨故眼處清淨眼處清淨故有為空清淨何以故若一切智智清淨若眼處清淨若有為空清淨無二無二分無別無斷故一切智智清淨故耳鼻舌身意處清淨耳鼻舌身意處清淨故有為空清淨何以故若一切智智清淨若耳鼻舌身意處清淨若有為空清淨無二無二分無別無斷故善現一切智智清淨故色處清淨色處清淨故有為空清淨何以故若一切智智清淨若色處清淨若有為空清淨無二無二分無別無斷故一切

智智清淨故聲香味觸法處清淨聲香味觸法處清淨故有為空清淨何以故若一切智智清淨若聲香味觸法處清淨若有為空清淨無二無二分無別無斷故善現一切智智清淨故眼界清淨眼界清淨故有為空清淨何以故若一切智智清淨若眼界清淨若有為空清淨無二無二分無別無斷故一切智智清淨故色眼識界及眼觸眼觸為緣所生諸受清淨色界乃至眼觸為緣所生諸受清淨故有為空清淨何以故若一切智智清淨若色界乃至眼觸為緣所生諸受清淨若有為空清淨無二無二分無別無斷故善現一切智智清淨故耳界清淨耳界清淨故有為空清淨何以故若一切智智清淨若耳界清淨若有為空清淨無二無二分無別無斷

故一切智智清淨故聲界耳識界及耳觸耳觸為緣所生諸受清淨聲界乃至耳觸為緣所生諸受清淨故有為空清淨何以故若一切智智清淨若聲界乃至耳觸為緣所生諸受清淨若有為空清淨無二無二分無別無斷故善現一切智智清淨故鼻界清淨鼻界清淨故有為空清淨何以故若一切智智清淨若鼻界清淨若有為空清淨無二無二分無別無斷故一切智智清淨故香界鼻識界及鼻觸鼻觸為緣所生諸受清淨香界乃至鼻觸為緣所生諸受清淨故有為空清淨何以故若一切智智清淨若香界乃至鼻觸為緣所生諸受清淨若有為空清淨無二無二分無別無斷故善現一切智智清淨故舌界清淨舌界清淨故有為空清淨何以故若一

切智智清淨若舌界清淨若有爲空清淨無二無二分無別無斷故一切智智清淨故味界舌識界及舌觸爲緣所生諸受清淨淨味界乃至舌觸爲緣所生諸受清淨故有爲空清淨何以故若一切智智清淨若味界乃至舌觸爲緣所生諸受清淨若有爲空清淨無二無二分無別無斷故善現一切智智清淨故身界清淨故有爲空清淨何以故若一切智智清淨若身界清淨若有爲空清淨無二無二分無別無斷故一切智智清淨故觸界身識界及身觸爲緣所生諸受清淨觸界乃至身觸爲緣所生諸受清淨故有爲空清淨何以故若一切智智清淨若觸界乃至身觸爲緣所生諸受清淨若有爲空清淨無二無二分無別無斷故善現一

切智智清淨故意界清淨意界清淨故有爲空清淨何以故若一切智智清淨若意界清淨若有爲空清淨無二無二分無別無斷故一切智智清淨故法界意識界及意觸意觸爲緣所生諸受清淨法界乃至意觸爲緣所生諸受清淨故有爲空清淨何以故若一切智智清淨若法界乃至意觸爲緣所生諸受清淨若有爲空清淨無二無二分無別無斷故

大般若波羅蜜多經卷第二百五十